

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ
04 հուլիսի 2017 թվականի

**«Ուսանողության և աշխատողների ամառային հանգստի
կազմակերպման աշխատանքների ընթացքը Դիլիջանի
«Տնտեսագետ» մարզաառողջարանում» հարցի մասին**

Լսելով և քննարկելով «Ուսանողության և աշխատողների ամառային հանգստի կազմակերպման աշխատանքների ընթացքը Դիլիջանի «Տնտեսագետ» մարզաառողջարանում» հարցը (զեկուցող՝ ուսանողների և շրջանավարտների հետ աշխատանքների գծով պրոռեկտոր, տնտեսագիտության թեկնածու, դոցենտ Ս.Խաչատրյան)՝ գիտական խորհուրդն արձանագրում է մարզաառողջարանում կատարվել են որոշակի վերանորոգման, վերականգնողական և բարեկարգման աշխատանքներ: Ձեռք են բերվել անհրաժեշտ հիգիենայի պարագաներ, ընթացիկ նորոգման են ենթարկվել մի քանի սենյակներ, բարեկարգվել է մարզաառողջարանի արտաքին լուսավորությունը, կարգի են բերվել լողասենյակների հատվածները, հիմնովին վերանորոգվել են որոշ ջրագծեր: Մշակվել են մարզական և մշակութային, ինչպես նաև զբոսաշրջային արշավներ կազմակերպելու ծրագրեր: Մարզաառողջարանը լիովին պատրաստ է հանգստացողներին ընդունելու համար: Ուղեգրերը վաճառվում են:

Ելնելով վերոնշյալից՝ գիտական խորհուրդը

ՈՐՈՇՈՒՄ Է

1. Ուսանողների և շրջանավարտների հետ աշխատանքների գծով պրոռեկտոր Ս.Խաչատրյանին՝
 - 1) մարզաառողջարանի գործունեության ամբողջ ընթացքում պատշաճ հսկողություն սահմանել իրականացվող աշխատանքների կատարման նկատմամբ.
 - 2) անվճար ուղեգրեր տրամադրել՝
 - պրոֆեսորադասախոսական կազմին՝ 10 (տասը) ուղեգիր,
 - ուսումնաօժանդակ և վարչական կազմին՝ 10 (տասը) ուղեգիր,

- Արցախի պետական համալսարանի ուսանողներին՝ 20 (քսան) ուղեգիր (յուրաքանչյուր հերթափոխում՝ 5 (հինգ) ուղեգիր),
- հասարական ակտիվություն ցուցաբերած և բարձր առաջադիմություն ունեցող ուսանողներին՝ 50 (հիսուն) ուղեգիր:

2. Մարզաառողջարանի պետ Հ.Կյոկչյանին և պարետ Մ.Ալիխանյանին՝ հետևել մարզաառողջարանի ներքին կարգուկանոնին, ապահովել բնականոն համակեցության պայմաններ, կազմակերպել մարզական և մշակութային միջոցառումներ ու զբոսաշրջային արշավներ՝ մշակված պլան-գրաֆիկներին համապատասխան:
3. Հաշվապահական հաշվառման բաժնի պետ Է.Ադամյանին՝ հետևել ճամբարի ֆինանսական գործունեությանը և անհրաժեշտ օգնություն ցուցաբերել մարզաառողջարանի ղեկավարությանը:
4. Ուսանողական խորհրդի նախագահ Հ.Հարությունյանին՝ ուսանողության շրջանում իրականացնել հայրենասիրական և դաստիարակչական աշխատանքներ, բացառել ռեժիմի խախտումները, սահմանել հերթապահություն հանգստի ամբողջ ժամանակաշրջանի ընթացքում:
5. Սույն որոշման կատարման նկատմամբ հսկողությունը վերապահել ուսանողների և շրջանավարտների հետ աշխատանքների գծով պրոռեկտոր Ս.Խաչատրյանին:

Գիտական խորհրդի նախագահ՝
04.07.2017 թ.

Կ. Լ. Աթոյան